



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Obligationibus Specialibus Certorum Statuum, De
Sacramentis In Genere, Et In Specie, Et De Censuris Et Irregularitatibus

Antoine, Paul-Gabriel

Ingolstadii, MDXXXIV.

VD18 90392167

Appendix. Referuntur præcipui Canones Pœnitentiales.

urn:nbn:de:hbz:466:1-41032

Errina Theologorum potest aliquando obligare pœnitentem ad implendam Pœnitentiam ante absolutionem per modum medicinæ, quando judicat id necessarium vel utile pœnitenti, ex eo quod soleat facile promittere pœnitentias, vel ut Confessorius certus sit de pœnitentia impleta, vel ob alios fines.



APPENDIX.

Referuntur præcipui Canones Pœnitentiales secundum Ordinem Decalogi, ex variis Conciliis, & Libris Pœnitentiariis Collecti in Instruct. Sancti Caroli.

Circa I. Decalogi Præceptum.

Qui à fide desciverit, pœnitentiam aget annis decem.

Qui auguriis & divinationibus servierit, quive cantationes diaboliças fecerit, pœnitens erit annos septem.

Respiciens furta in Astrolabio, pœnitens erit annis duobus.

Siquis

Siquis ligaturas, aut fascinationes fecerit, pœnitens erit duos annos.

Qui magos consuluerit, in pœnitentia erit annos quinque.

Circà 2. Præceptum.

Quicumque sciens perjuraverit; 40. dies in pane aquâ, & septem sequentes annos pœniteat, & numquam sit sine pœnitentiâ; & numquam in testimonium recipiatur, & post hæc Communione percipiat.

Qui perjurium in Ecclesiâ fecerit, pœnitentiā aget annos decem.

Siquis Deum vel B. Virginem, vel aliquem Sanctum publicè blasphemaverit, pro foribus Ecclesiæ diebus Dominicis septem, in manifesto, dum Missarum solemnia aguntur, stet; ultimoque ex illis die, sine Pallio & Calceamentis, ligatus corrigiâ circâ collum; septemque præcedentibus Feriis sextis in pane & aquâ iejunet, Ecclesiam nullo modo tunc ingressurus. Singulis item illis septem diebus Dominicis tres aut duos, aut unum pauperem passat, si potest; alioquin aliâ pœnitentiâ afficiatur. Recusans Ecclesiæ ingressu interdicatur, in obitu Ecclesiasticâ careat sepulturâ.

Qui votum simplex violaverit, pœniteat tribus annis.

Bb s

Cir-

Circà 3. Præceptum.

*Qui opus aliquod servile die Dominico, Festo
fecerit: pœnitentiam aget tres dies in pane & aqua.*

*Siquis jejunia à sanctâ Ecclesiâ indicta violaverit;
pœnitentiam aget dies viginti in pane & aqua.*

*Qui in Quadragesimâ jejunium violaverit; pro
uno die pœnitentiam aget dies septem.*

*In Quadragesimâ carne sine inevitabili necessi-
tate vejicens, in Paschâ non Communicet, ac præter
reâ à carne abstineat.*

Circà 4. Præceptum.

*Qui parentibus maledixerit, 40. dies pœnitens
fit in pane & aqua.*

Qui parentes injuriâ affecerit, tres annos.

Qui percusserit, annos septem.

*Si quis contra Episcopum, Pastorem, & Patrem
suum insurrexerit, in Monasterio omnibus diebus
vite suæ pœnitentiam aget.*

*Si quis Episcopi, aut Ministrorum ejus, vel Pa-
rochi sui præcepta contempserit, vel irriserit, pœ-
nitentiam aget dies 40. in pane & aqua.*

Circà 5. Præceptum.

Qui Presbyterum occiderit, pœniteat 12. annis.

*Si quis Patrem, aut Matrem, Fratrem, aut So-
rorum,*

rorem occiderit; toto vitæ suæ tempore non suscipiat Corpus Domini, nisi in obitu: abstineat à carne & vino, dum vixerit: jejunet secundâ, & quartâ, & sextâ Feriâ.

Si quis hominem occiderit; ad januam Ecclesiæ semper erit, & in obitu Communionem recipiet.

Qui homicidii auctor fuit, ob Consilium quod dedit, pœnitentiam ageret 40. dies in pane & aquâ, cum septem sequentibus annis.

Siqua mulier sponte abortum fecerit, pœnitentiam ageret annos tres; si nolens quadragesimas tres.

Qui nolens filium oppresserit, pœnitentiam ageret dies 40. in pane & aquâ, oleribus ac leguminibus: abstinebit ab uxore dies totidem. Deinde pœnitens erit tres annos per legitimas serias: tres præterea quadragesimas in anno observabit.

Qui sceleris occultandi causâ filium necarit, pœnitentiam ageret annos decem.

Siquis per iram subitam, aut per rixam hominem necarit, pœnitentiam ageret annos tres.

Siquis aliquem vulneraverit, vel ei aliquod membrum præciderit, pœnitentiam ageret uno anno per legitimas ferias.

Siquis ictum proximo dederit nec nocuerit; tridui pœnitentiam ageret in pane & aquâ.

Circà. 6. Præceptum.

Si Laicus solitus cum fœminâ solutâ concubuerit, pœnitens erit tres annos.

Qui

Qui turpiloquio, aspectuque polluitur negligens; pœnitentiam aget 20. dies.

Qui cum uxore sua turpiter concubuerit, pœnitens erit 40. dies.

Qui cum duabus sororibus fornicatus fuerit, aut filiam spiritualem violaverit, perpetuam pœnitentiam aget.

Qui incestum fecerit (non ita enormem) pœnitens erit 12. annis.

Qui Monialem violaverit, pœnitens sit annis decem.

Si quæ mulier cerusâ, aliove pigmento se oblituit, ut aliis viris placeat, pœnitentiam ager annos tres.

Pro adulterio septennii & decenii pœnitentia imponitur.

Circà 7. Præceptum.

Siquis furtum de re minori fecerit, pœnitentiam aget annum unum.

Qui furatus est aliquid de Ecclesiæ suppledili, vel thesauro, vel pecuniam Ecclesiasticam, oblationesve Ecclesiæ factas, pœnitens erit annos septem.

Qui decimam sibi retinuerit, aut dare neglexerit, quadruplum restituet, & pœnitentiam ager dies 20. in pane & aquâ.

Qui usuras accipit, rapinam facit, pœnitentiam ager annis tribus, uno in pane & aquâ.

Cir-

Circà 8. Præceptum.

Qui falso testimonio consenserit, pœnitens erit annos quinque.

Falsarius in pane & aquâ pœnitentiam agat, quandiu vivit.

Siquis de proximo detraherit, pœnitens erit dies septem in pane & aquâ.

Circà 9. & 10. Præceptum.

Rem alienam nefariè concupiscens, avarusque, pœnitens erit tribus annis.

Siquis concupiscit fornicari; si Episcopus, pœnitens erit annos septem: si Presbyter quinque: si Diaconus vel Monachus tres: si Clericus aut Laius annos duos.

CAPUT II.

De Forma Sacramenti Pœnitentiae, seu Absolutione.

I. CIRCA modum absolvendi sic habet Rituale Roman. auctoritate Pauli V. editum. Cum pœnitentem absolvere voluerit, injunctâ ei triùs & ab eo acceptâ pœnitentiâ salutari, primò dicit.

Misereatur tui omnipotens Deus, & dimis-
sis peccatis tuis perducat te ad vitam æternam.
Amen.

Deinde